



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De 2. Præcepto Eccles.

urn:nbn:de:hbz:466:1-41767

DE II. PRÆCEPTO
Ecclesiæ.*Ieiunij, & Abſtinentia.*

Circa ſecundum præceptum Ieiunij, tenerur homo ieiunare modo Eccleſiaſtico omnibus diebus præceptis poſt completum vigefimum primum annum, uſque ad ſexageſimum completum: ſiue hæc Ieiunia ſint communia toti Eccleſiæ, ſiue alicui Pro-
uincia, aut Diœceſi particulari: ſi uerò ſint ex voto ieiunantis; conſideranda eſt eius intentio. Eſt autem ieiunium corporale duplex, Naturale, & Eccleſiaſticum. Primum conſiſtit in totali abſtinentia cibi, & potus à media nocte quacumque de cauſa: ad quod tenentur, qui ſumere uolunt Euchariftiam, extra Viaticum. Secundum conſiſtit in quadam determinata abſtinentia. Vnde ſi quis ſumat aliquid etiam paruum, & per modum medicinæ; frangit ieiunium naturale, non autem Eccleſiaſticum, quod conſiſtit in vnica com-
eſtione continua (niſi adſit cauſa ad ali-
quod

quod tempus diuidendi) ciborum non prohibitorum, circa meridiem. Cui addi potest serotina cœnula, more consueto Ecclesiæ: in qua scilicet non adhibeantur, nisi fructus, vel legumina, & similia, quæ in tertijs mensis adhiberi solent: & non excedatur quantitas sex, vel octo vnciarum Romanarũ regulariter. Hæc cœnula potest manè præmitti cum causa rationabili, si prandium differatur vsque ad noctem.

2. Si quis in die Ieiunij bis, aut ter frangeret ieiunium; non committeret, nisi vnum peccatum in prima fractione at verò si bis, aut ter comederet carnes & cibos vetitos; quoties comederet, toties peccaret. Ratio est, quia in prima fractione iam redditur impotens ad seruandum ieiunium, & sic cessat obligatio præcepti: at in secundo casu non redditur impotens ad non comedendas carnes post primam comestionem: & cum præceptum sit negatiuum, obligat semper, & ad semper.

3. Frangitur ieiuniũ, non solum per plures, aut inordinatas comestiones; sed etiam per comestionem ciborum prohi-

H 4 bitorum,

bitorum, vt sunt carnes, & lacticia. Et quidem per carnes simpliciter frangitur: per lacticia verò, quando non est priuilegium, aut consuetudo approbata. Vnde qui à Medicis dispensantur ad carnes, simpliciter dispensantur ad ieiunium: non autem si solum dispensantur ad lacticia. Et in primo casu, si quis cù carne comederet etiam pisces; non peccaret, nisi intemperanter comederet: & iuxta qualitatem intemperantiæ esset peccatum. Si quis pluribus horis ante meridiem comederet sine causa, frangeret ieiunium: licet aliqui putent, non frangere, sed solum venialiter peccare.

4. Potest aliquis excusari à ieiunio propter necessitatem corporalem, aut propter nimium laborem, iudicio Prudentis, aut propter paupertatem, quia non habet, quod sufficiat in vnica comestione. Item excusantur pręgnantes, & nutrices, &c. Non tamen si excusatur à ieiunio, eo ipso potest comedere cibos prohibitos: cum ad hos sit alia prohibitio.

5. Si quis redderet se impotentem ad ieiunandum, vel ex ludo, vel ex alia causa

caussa non necessaria; posita impotentia, etiam culpabili, non peccat non ieiunando: nisi ex hoc fine non ieiunandi redderet se impotentem.

6. In diebus Veneris, & Sabbati, quando non coincidunt cum ieiunio aliquo; non prohibentur lacticia, sed solum carnes, iure communi: exceptis pueris ante usum rationis.

7. Potus ordinarius, etiam vini, quamvis esset intemperatus, & sine causa; non soluit ieiunium Ecclesiasticum: quia non prohibetur lege ieiunij: & in cibus potest dari paruitas materiae.

8. Si quis per transitum reperatur in loco, ubi ieiunetur, non animo morandi ibi; non tenetur ad ieiunium, nisi sit vniuersale.

9. Potest demum quis excusari à Ieiunio per dispensationem Superioris, quam potest concedere Episcopus respectu huius, vel illius sibi subditi & Superiores Religionum respectu suorum subditorum. Requiritur autem ad dispensandum causa sufficiens, saltem probabilis, vel dubia.